

- 801 -

Na osnovu člana 3. Zakona o javnim preduzećima («Službene novine FBiH» broj 8/05), člana 311. Zakona o privrednim društvima («Službene novine FBiH» broj 23/99, 45/00, 2/02, 6/02, 29/03, 68/05 i 84/08) i člana 25. Statuta općine Zavidovići («Službeni glasnik općine Zavidovići» broj 5/2008 i 5/a/2008), Općinsko vijeće Zavidovići na 17.sjednici održanoj 30.12.2009. godine donijelo je

O D L U K U

o izmjenama Odluke o usklađivanju statusa Javnog preduzeća
«Veterinarska stanica» Zavidovići sa Zakonom o privrednim društvima i
Zakonom o javnim preduzećima

Član 1.

U članu 3. stav 3. Odluke o usklađivanju statusa Javnog preduzeća «Veterinarska stanica» Zavidovići sa Zakonom o privrednim društvima i Zakonom o javnim preduzećima («Službeni glasnik Općine Zavidovići» broj 7/2006 i 10/2007), riječi «Partizanski put» zamjenjuju se riječima «Patriotske lige».

Član 2.

U članu 5. stav 2. mijenja se i glasi: «Preduzeće će obavljati osnovne djelatnosti:
85.200 – Veterinarske djelatnosti,
01.410 – Uslužne djelatnosti u biljnoj proizvodnji i stočarstvu, osim veterinarskih usluga.

Preduzeće će osim osnovnih djelatnosti obavljati i druge djelatnosti i to:

51.110 – Posredovanje u trgovini poljoprivrednim sirovinama, živim životinjama,
tekstilnim sirovinama i poluproizvodima,

51.210 – Trgovina na veliko zrnastim proizvodima, sjemenjem i hranom za životinje,

51.230 – Trgovina na veliko živim životinjama,

52.487 - Ostala trgovina na malo u specijaliziranim prodavnicama.

Član 3.

U članu 6. stav 1. mijenja se i glasi: «Osnovni kapital preduzeća iznosi 341.413,08 KM (slovima: tristočetrestjednahiljadačetristitinaest i 08/100 KM) u stvarima i 2.000,00 KM (slovima: dvijehiljade i 00/100 KM) u novcu».

Član 4.

Članu 11. mijenja se i glasi: «Preduzećem upravlja osnivač preko Skupštine preduzeća. Skupštinu preduzeća čine:

- pomoćnik načelnika u Službi za upravu ekonomskih poslova i poduzetništvo,

- pomoćnik načelnika u Službi za upravu društvenih djelatnosti i opću upravu,

- pomoćnik načelnika u Službi za upravu geodetskih, imovinsko-pravnih poslova i urbanizma,

- pomoćnik načelnika u Službi za upravu pitanja boraca, raseljenih lica i izbjeglica,

- pomoćnik načelnika u Službi za upravu civilne zaštite,

- 802 -

- pomoćnik načelnika u Službi za upravu poljoprivrede, vodoprivrede i komunalne poslove.

Skupština obavezno razmatra i odlučuje o godišnjem obračunu, raspodjeli dobiti i pokriću gubitaka, donosi odluke o poslovniku ili poslovnici, etičkom kodeksu na prijedlog nadzornog odbora, a o drugim pitanjima odlučuje u skladu sa statutom preduzeća.

Odluku skupštine o promjeni oblika, spajanje, pripajanje i podjele preduzeća, te pristupanje novih članova sa udjelima vrši se uz saglasnost Općinskog vijeća Zavidovići».

Član 5.

Ova Odluka stupa na snagu prvog dana od dana objavljivanja u «Službenom glasniku općine Zavidovići»

OPĆINA ZAVIDOVIĆI
- OPĆINSKO VIJEĆE -

Broj: 01-05-5750/09
Datum, 30.12.2009.godine

(M.P.)

PREDSJEDAVAJUĆI
OPĆINSKOG VIJEĆA

ing. Radosav Petrović, s.r.